

# Film da la guardia papala en quatter linguas

■ (cp) A chaschun dal giubileum da 500 onns da la guardia svizra papala ha la SRG SSR idée suisse laschè realisar in film en las quatter linguas naziunals. Quest film vegn emess durant ils dis da festa sin ils programs da Schweizer Fernsehen, da la Télévision Suisse Romande, da la Televisione svizzera di lingua italiana e da la Televisiun Rumantscha tranter il december 2005 ed il schaner 2006. Dapi 500 onns protegian e surveglian bun tshient catolics Svizzers il papa en il Vatican. «La schuldada dal papa – 500 ons guardia svizra papala» dat in'invista exclusiva en il mintgadi da la pli pitschn'armada dal mund. Il team da film è stà durant in onn sin ils chaltgogns dals gardists svizzers per pudair tschiffar muments buns e nauschs or dal mintgadi d'in gardist. Rettschertgas en l'entir'Europa ed en ils Stadis Unids han manà a la glich documents per part gia daditg sparids che dateschan da l'entschatta dal temp da film.

Or da l'istorgia pli giuvna da la guardia preschenta il film documentar da 55 minutas era novas scuvertas pertutgant l'assassinat dal 1998. Be paucas uras suenter l'elecziun sco cumandant èn Alois Estermann e sia dunna vegnids assassinads.

Felice Zenoni da la firma da produczion Mesch & Ugge SA ha realisà quest film per incumbensa da la SRG SSR idée suisse.

La musica originala per il film ha scrit il pader benedictin *Theo Flury*. In orchester da sinfonia da 40 persunas ac-



500 onns guardia papala en tun e maletg.

KEYSTONE

cumpogna ils maletgs barocs cun il sound opulent correspondent.

Il «regal» da la SSR SRG idée suisse per il giubileum da questa truppa cun ritga tradiziun, ch'è conuschenta sin l'entir mund sco «I Svizzeri», s'accorda bain cun las diversas occurenzas da giubileum da la guardia svizra. Il punct culminant vegn ad esser ils 6 da matg 2006: Quest di ha lieu la saramentaziun dals novs recruts sin la piazza da s. Peder per

l'emprima giada en preschientscha dal papa.

Il film «La schuldada dal papa – 500 ons guardia svizra papala» è programmà sin ils emetturs dad SRG SSR idée suisse sunandantamain:

SF 1: 25 da december 2005; 17.00  
(tun sin dus chanals: versiun rumantscha chanal 1, versiun tudestga chanal 2)  
TSI 1: 29 da december 2005; 22.00  
TSR2: 8 da schaner 2006; 20.30